



Agathe Fontain
IA sinnerlugu Inatsisartuni ilaasortaq

§37-imi apeqqummut 188/2021 akissut

12-01-2022
Sags nr. 2021 - 22376
Akt nr. 18796604

Asasara Agathe Fontain

Postboks 1160
Tlf: 34 50 00
Fax: 34 55 05
3900 Nuuk

Inatsisartut suleriesissaanni § 37 imm. 1 naapertorlugu Naalakkersuisunut saqqummiunneqartoq pillugu apeqquteqarsimavutit.

Email: pr@nanao.gl
www.naalakkersuisut.gl

Apeqquteqaateqarninnut Naalakkersuisut qujapput uteqqiillugillu ataani akineqassapput.

1. Angajooqqaat marluk, imaluuniit qanigisamik allamik ingiaqatigissagaanni , qanoq akeqarnissaa Naalakkersuisut naatsorsorsinnaavaat ?

Akissut:

Meeqqamut ataatsimut ingiallortit ataasinnaanani marlueneri peqqutaallutik aningaasartuutit ersarissarneqarnissaannut periarfissaqanngilagut.

Angalanermi unnuisarnermilu aningaasartuutit nikerarneri tassani peqqutaapput.

Peqqinnissaqarfimmi sullissinernut akiliutit pillugit kaajallaasitaq, nr. 17, § 4 naapertorlugu ima isikkoqarput:

Sullissineq	Aki
Kalaallit Nunaanni uninngasunut akunnittarfik – Inersimasut	575 kr. unnuineq ataaseq
Kalaallit Nunaanni uninngasunut akunnittarfik – Meeqqat aqqaneq marluk ataallugit ukiullit	357 kr. unnuineq ataaseq
Danmarkimi Kalaallit peqqissartut illuaniititsineq – Inersimasut nalasut	903 kr. unnuineq ataaseq
Danmarkimi Kalaallit peqqissartut illuaniititsineq – Meeqqat aqqaneq marluk ataallugit ukiullit nalasut	662 kr. unnuineq ataaseq

Agguaqatigiisillugu meeqqat Dronning Ingrid-ip napparsimavissuani piffissami 2016-imiit 2020-mut ullut tallimat arfinillilu akornanni uninngasarput.

2. Meeqqat angallatassat 0-6 –nik ukioqartut marlunnik ingiaqateqarnissaat qanoq akeqassaangatinneqarpa ?

Akissut:

Akissutaa 1-ip ataaniittoq takujuk)

3. **Misilittagallit isumaqarput, Peqqissartut illuanni, ineeqqami ataatsimi inersimasut marluk meerarlu peqqissartooq, ineqatigiisinnaapput. Tamanna Naalakkersuisut isumaqatigaat?**

Akissut:

København-imiittumi Kalaallit peqqissartut illuani inissat killeqarput taamaammat unnuisoqarniartillugu ineeqqani inuit marlunniit amerlanerusinnaapput. Ilaqutariit anginerulaanik meerartalinnik ilaqartut siniffiillu marluinnarniit amerlanerusariaqassagaangata inissiamik tunineqartarput. Kalaallit peqqissartut illuutaa sisamanik inissiaateqarpoq.

Tamatumalu nassatarisinnaasarpaa, meeraq inersimasunik marlunnik ingiallorteqartariaqaraangat ineeqqallu inunnut pingasunut naammangikkaangata ineeraq aamma alla pisariaqartinneqalertarpoq. Meerarli nukanganeruppat angajoqqaami arlaat sineqatigisarsinnaavaa, meeqqalli anginerumaartut immikkut siniffeqartariaqassapput.

Ineeqqat marlunnik siniffittallit marluuttarissat 15-iupput. COVID-19-ip tunillaassuunnerata nalaani ineeqqat ataasiakkaanut atortinneqartarput. Tamannali pinngikkallarmat ineeqqat marluuttariaapput tassa inuit marluk ineqqaamiittarput. Danmarkimi peqqissartut illuani ineeqqat killeqarnerit peqqutaapput.

Taamaammat aningaasartuuteqartarneq kisimi apeqqutaanngilaq kisianni aamma Kalaallit Peqqissartut Illuani periarfissaqartitsineq aamma Kalaallit Nunaanni nakorsiartunut akunnittarfiisa pitsaassusaat apeqqutaapput.

Taamaasilluni aamma ilaqutariit arlalinnik meerallit meeqqamik qatanngutaasut ilaat uninnerani ilaasinnaanngussapput. Ullumimiit aallarereertumik Peqqinnissaqarfimmi qatanngutiginnik Dronning Ingrid-ip napparsimassuani uninngasuuteqarpoq, tamannalu Peqqissartut illuanut unaminartorsiortitsivoq.

Periarfissanik allanik Naalakkersuisut saqqummiussaqsinnaappaat?

Akissut:

Maannakkut Peqqinnissaq pillugu Ataatsimiititaliarsuarmit isiginiarneqarpoq peqqinnissaqarfiup kiffartuussineranut atatillugu pisortanit aningaasalersuineq qanoq isikkoqarnerisooq aamma qanoq ilillugu pitsanngorsarneqarsinnaanersoq. Angerlarsimaffitsik qimallugu nakorsiartartut ingiallorteqartinneqartarnerinut atatillugu kiffartuussineq pillugu Peqqinnissaq pillugu Ataatsimiititaliarsuup suliani naammassereerpagu Naalakkersuisunit aalajangiiffigineqassaaq.

Inussiarnersumik inuulluaqqusillunga



Kirsten Fencker sinnerlugu Mimi Karlsen